

Ո Ր Ո Շ ՈՒ Մ
Հարկադիր կատարողի որոշումը փոփոխելու մասին

19.12.2018թ.

ք.Սեվան

Հարկադիր կատարումն ապահովող ծառայության Գեղարքունիքի մարզային բաժնի պետ, արդարադատության փոխգնդապետ՝ Ս.Սիմոնյանս, ուսումնասիրելով նույն բաժնի ավագ հարկադիր կատարող, արդարադատության մայոր Ս.Մխիթարյանի կողմից 05.04.2017թ-ին հարուցված թիվ 03134639, թիվ 03140777, թիվ 03140756 և թիվ 03140766 կատարողական վարույթների նյութերը

Պ Ա Ր Զ Ե Ց Ի

Գեղարքունիքի մարզի ընդհանուր իրավասության դատարանի կողմից 16.03.2017թ. տրված թիվ ԳԴ4/1034/02/16 կատարողական թերթերի համաձայն պետք է Մարտին Իշխանի Ավայանից, Անդրանիկ Սարգսի Արաբաջանից, Ապրես Վլադիմիրի Ղուկասյանից և Արզուման Սուրենի Խաչատրյանից համապարտության կարգով հագուրդ «ԱԿԲԱ-Կրեդիտ Ագրիկոլ բանկ» ՓԲԸ-ի բռնագանձել 4.389.542 ՀՀ դրամ գումար և հաշվեգրվող տոկոսներ:

Բռնագանձումը տարածել կոշտ գրավի թիվ 1 2000 0 07891/01, թիվ 1 2000 0 07891/03 և թիվ 1 2000 0 07891/4 պայմանագրերով գրավադրված գույքերի վրա:

Կատարողական գործողությունների ընթացքում գրավադրված գույքերի նկատմամբ անցկացված ապրանքագիտական փորձաքննությունից հետո 03.12.2018թ-ին հարկադիր կատարողի կողմից որոշում է կայացվել արգելադրված գույքը հարկադիր էլեկտրոնային աճուրդով իրացնելու մասին:

Կատարողական վարույթի նյութերի և արգելադրված գույքը հարկադիր էլեկտրոնային աճուրդով իրացնելու մասին որոշման ուսումնասիրությամբ պարզվել է, որ հարկադիր կատարողի կողմից թույլ է տրվել վրիպակ՝ աճուրդի սկիզբը 21.01.2019թ-ի փոխարեն սահմանելով 21.01.2018թ-ը, իսկ գույքացանկի թիվ 1 գույքի գույքի նկարագիր մասում „ԴՏ 75Մ,, թրթուրավոր տրակտոր, 1987թ-ի արտադրության և տեխնիկական վկայագիր ԲՆ008902-ի փոխարեն տպագրվել է 1984թ-ի արտադրության և տեխնիկական վկայագիր ԲՆ008903:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28-րդ հոդվածի 6-րդ մասով և «Հարկադիր կատարումն ապահովող ծառայության մասին» ՀՀ օրենքի 23-րդ հոդվածի 5-րդ մասով

Ո Ր Ո Շ Ե Ց Ի

Հարկադիր կատարումն ապահովող ծառայության Գեղարքունիքի մարզային բաժնի ավագ հարկադիր կատարող, արդարադատության մայոր Ս.Մխիթարյանի կողմից 03.12.2018թ-ին կայացված «արգելադրված գույքը հարկադիր էլեկտրոնային աճուրդով իրացնելու մասին» որոշման որոշեցի մասում կատարել փոփոխություն և կարդալ հետևյալ կերպ.


1. Գույքացանկի 1-ին գույքի նկարագիր մասում. „ԴՏ 75Մ,, թրթուրավոր տրակտոր, 1987թ-ի արտադրության, տեխնիկական վկայագիրը՝ ԲՆ008902
2. Ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ <http://harkadir.ajurd.am> կամ www.ajurd.am միջոցով: Հարկադիր էլեկտրոնային աճուրդի սկիզբը՝ 21.01.2019թ.:

Որոշման պատճեն ուղարկել կողմերին.

Որոշումը կարող է բողոքարկվել ՀՀ վարչական դատարան կամ վերադատության կարգով որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները՝ բացառությամբ օրենքով սահմանված դեպքերի:

**Բաժնի պետ,
Արդարադատության փոխգնդապետ**



Ս.Սիմոնյան